

**- UPRAVNI ODBOR -**

Broj: 02-13-1/22

Sarajevo, 12. 05. 2022. godine

Z A P I S N I K
SA 4. REDOVNE SJEDNICE UPRAVNOG ODBORA INTEGRIRANOG
UNIVERZITETA U SARAJEVU
ODRŽANE 12. 05. 2022. GODINE S POČETKOM U 14:15 SATI

Prisutni članovi Upravnog odbora: prof. dr. Jasminka Gradašćević-Sijerčić, Alma Sarić, akad. prof. dr. Dejan Milošević, prof. dr. Kasim Bajrović, prof. dr. Aida Hodžić, Mersiha Šabaredžović-Klačar, prof. dr. Maida Čohodar Husić, prof. ddr. Lidija Zvačko i Hamza Vahid El-Din, predstavnik studenata.

Odsutni članovi Upravnog odbora: predsjednik dr. sc. Murat Ramadanović i Ismeta Čardaković¹.

Ostali prisutni: prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Dušanka Bošković, prorektorica za kvalitet, prof. dr. Mirza Dautbašić, prorektor za naučnoistraživački rad, Kenan Filipović generalni sekretar, Ekrem Čagalj, rukovodilac Jedinice za internu reviziju, prof. dr. Sahrudin Sarajčić, izvršni direktor, Berina Smajlović, rukovodilac Službe za prave poslove, Semir Đulić, viši stručni saradnik i Ilhana Lekić, stručna saradnica u Službi za pravne poslove.

Ostali odsutni: prof. dr. Dženana Husremović, prorektorica za nastavu i studentska pitanja, prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport i prof. dr. Enita Nakaš, prorektorica za međunarodnu saradnju.

Sjednica je počela u 14:15 sati.

U uvodnom dijelu sjednice prof. dr. Jasminka Grašćević-Sijerčić upoznala je članove Upravnog odbora Univerziteta u Sarajevu (dalje: Upravni odbor) da će radi privremene spriječenosti a zbog pogoršanog zdravstvenog stanja predsjednika Upravnog odbora, dr. sc. Murata Ramadanovića, predsjedavati sjednicom Upravnog odbora u svojstvu ovlaštenog člana Upravnog odbora.

Naime, prema odredbama člana 13. Poslovnika o radu Upravnog odbora Univerziteta u Sarajevu, broj: 02-1-2-1/22 od 07. 02. 2022. godine, u slučaju privremene spriječenosti predsjednika Upravnog odbora, sjednicu može sazvati i njom predsjedavati član Upravnog odbora kojeg ovlasti predsjednik Upravnog odbora, te se u istoj odredbi utvrđuje i to da

¹ Imenovana članica Upravnog odbora Univerziteta u Sarajevu putem elektronske pošte dostavila komentar na materijale dostavljene za 4. redovnu sjednicu Upravnog odbora Univerziteta u Sarajevu.

ovlašteni ima sva ovlaštenja predsjednika Upravnog odbora u vezi sa održavanjem sjednice kojom predsjedava.

Nadalje, prof. dr. Jasminka Gradašćević-Sijerčić je konstatala da postoji potreban kvorum za odlučivanje, te da sjednici prisustvuje 9 (devet) članova Upravnog odbora. Također je konstatala da je članica Upravnog odbora gđa. Ismeta Čardaković u pisanoj formi, putem elektronske pošte, uputila komentare u odnosu na materijale današnje sjednice Upravnog odbora, te se o istom uputila i pojedinačna izjašnjenja.

S tim u vezi, članovi/ice Upravnog odbora su proveli kraću diskusiju i konstatali da postoji potreba da se u narednom periodu izvrši dopuna Poslovnika o radu Upravnog odbora i regulira u opravdanim slučajevima pitanje izjašnjavanja članova/ica elektronskim putem u radu redovnih sjednica, koje se održavaju u prostorijama Univerziteta. U odnosu na naznačeno Upravni odbor je konstatalo da će se pisana izjašnjenja članice Upravnog odbora gđa. Ismete Čardaković navesti u zapisniku sjednice.

U daljem toku, prof. dr. Jasminka Gradašćević-Sijerčić je otvorila 4. redovnu sjednicu Upravnog odbora.

Prije razmatranja prijedloga dnevnog reda, rektor Univerziteta u Sarajevu prof. dr. Rifat Škrijelja i prorektor za finansije prof. dr. Tarik Zaimovića su predložili sljedeće dopune:

- Donošenje odluke o dopuni Odluke Upravnog odbora Univerziteta u Sarajevu broj: 02-9-8/22 od 14. 04. 2022. godine,
- Informacija rektora Univerziteta u Sarajevu o univerzitetskom Projektu zaštite i promocije prava na informaciju u/o akademskoj zajednici pod nazivom Univerzitetski novinski servis.

Uvažavajući navedene prijedloge dopune dnevnog reda sjednice, prof. dr. Jasminka Gradašćević-Sijerčić je stavila na izjašnjavanje isti. Upravni odbor je *jednoglasno* sa devet (9) glasova „za“ usvojio *sljedeći*

DNEVNI RED

1. Usvajanje zapisnika sa prethodnih sjednica Upravnog odbora Univerziteta u Sarajevu
 - a) Zapisnik sa 3. (treće) redovne sjednice Upravnog odbora Univerziteta u Sarajevu od 14. 04. 2022. godine
 - b) Zapisnik sa 5. (pete) vanredne sjednice Upravnog odbora Univerziteta u Sarajevu održane elektronskim putem od 29. 04. 2022. godine
2. Prijedlozi za izmjenu i dopunu Plana javnih nabavki Univerziteta u Sarajevu za 2022. godinu u dijelu
 - a) Farmaceutski fakultet
 - b) Institut za genetičko inženjerstvo i biotehnologiju
3. Davanje mišljenja na prijedlog za utvrđivanje JU „Apotheke Sarajevo“ kao nastavne baze Univerziteta u Sarajevu
4. Razmatranje nacrtu Ugovora o uređivanju međusobnih odnosa u djelatnostima visokog obrazovanja, naučnoistraživačkog, umjetničko-istraživačkog i izdavačkog rada između Univerziteta u Sarajevu i Zemaljskog muzeja Bosne i Hercegovine

5. Razmatranje Zahtjeva rektora Univerziteta u Sarajevu za utvrđivanje obaveze izrade izjave o fiskalnoj procjeni posljedica na budžet organizacionih jedinica prilikom zaključivanja ugovora dekana/direktora sa trećim licima
6. Zahtjevi dr. Nabila Namera za provođenje odluka nadležnih tijela Univerziteta u Sarajevu
7. Prigovor podnositeljice prim. dr. sc. Amele Lačević na Odluku dekana Stomatološkog fakulteta sa klinikama o utvrđivanju odgovornosti i izricanju disciplinske mjere pismena opomena radniku
8. Prigovor podnositeljice Melihe Mahmutović na Odluku dekana Stomatološkog fakulteta sa klinikama o utvrđivanju odgovornosti i izricanju disciplinske mjere otkaza ugovora o radu
9. Prigovor podnositelja Adisa Balića kandidata u Javnom oglasu na Stomatološkom fakultetu sa klinikama na Odluku dekana o izboru kandidata
10. Informacija rektora Univerziteta u Sarajevu o nalazima Odsjeka za kontrolu Poreske uprave Federacije BiH na organizacionim jedinicama Univerziteta u Sarajevu
11. a) Izvještaj Centra za interdisciplinarnu studiju „prof. dr. Zdravko Grebo“ Univerziteta u Sarajevu o realizaciji Evropskog regionalnog magistarskog program iz ljudskih prava i demokratije u jugoistočnoj Evropi sa planom trošenja sredstava
b) Donošenje odluke o dopuni Odluke Upravnog odbora Univerziteta u Sarajevu
12. Informacije
 - a) Obavijest o dopuni Dinamičkog plana organizacionih jedinica Univerziteta u Sarajevu - Prirodno-matematičkog fakulteta, Filozofskog fakulteta, Pedagoškog fakulteta, Muzičke akademije, Šumarskog fakulteta i Instituta za genetičko inženjerstvo i biotehnologiju za akademsku 2021/2022. godinu
 - b) Ugovor o radu sa dekanom Fakulteta sporta i tjelesnog odgoja
 - c) Informacija rektora Univerziteta u Sarajevu o univerzitetskom Projektu zaštite i promocije prava na informaciju u/o akademskoj zajednici pod nazivom Univerzitetski novinski servis.

T O K S J E D N I C E

Ad-1.

Upravnom odboru su dostavljeni na usvajanje: Zapisnik sa 3. redovne sjednice Upravnog odbora od 14. 04. 2022. godine i Zapisnik sa 5. vanredne sjednice Upravnog odbora od 29. 04. 2022. godine.

Predsjedavajuća po ovlaštenju Upravnog odbora prof. dr. Jasminka Gradašćević-Sijerčić stavila je na razmatranje navedene zapisnike.

Upravni odbor je *jednoglasno* i bez primjedbi sa devet (9) glasova „za“ usvojio naprijed navedene zapisnike.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „za“ usvajanje zapisnika sa 3 redovne i 5 vanredne sjednice Upravnog odbora.

Ad-2.

Upravnom odboru su u okviru predmetne tačke dnevnog reda dostavljeni na razmatranje prijedlozi za izmjenu i dopunu Plana javnih nabavki Univerziteta u Sarajevu za 2022. godinu u dijelu organizacionih jedinica Univerziteta u Sarajevu – Farmaceutskog fakulteta i Univerziteta u Sarajevu - Institut za genetičko inženjerstvo i biotehnologiju

U navedenim prijedlozima organizacionih jedinica pojedinačna procijenjena vrijednost prelazi iznos utvrđen Statutom Univerziteta u Sarajevu za čije je korištenje ovlašten rukovodilac organizacione jedinice, te se donošenje odluke o izmjeni i dopuni ovog Plana predlaže Upravnom odboru.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „za“ izmjene Plana javnih nabavki Univerziteta u Sarajevu za 2022. godinu.

U odnosu na dostavljene prijedloge navedenih organizacionih jedinica, Upravni odbor je jednoglasno, uz devet (9) glasova „za“, *donio*

O D L U K U

o izmjeni i dopuni Plana javnih nabavki integrisanog Univerziteta u Sarajevu za 2022. godinu broj: 02-7-3/22 od 02. 03. 2022. godine

I

Usvaja se izmjena i dopuna Plana nabavki integrisanog Univerziteta u Sarajevu za 2022. godinu utvrđenog Odlukom Upravnog odbora Univerziteta u Sarajevu broj: 02-7-3/22 od 02.03.2022. godine.

II

Ova Odluka stupa na snagu danom donošenja, a biti će objavljena i na internetskoj stranici Univerziteta u Sarajevu, odmah po donošenju.

Ad-3.

Upravnom odboru Univerziteta u Sarajevu je u okviru tačke 3. dostavljena Odluka Vijeća Univerziteta u Sarajevu – Farmaceutskog fakulteta, kojom se prihvata Inicijativa Javne ustanove „Apotheke Sarajevo“ broj: 0101-990/22 od 24. 02. 2022. godine i pokreće procedura za dodjelu statusa nastavne baze Javne ustanove „Apotheke Sarajevo“ kao nastavne baze Univerziteta u Sarajevu – Farmaceutskog fakulteta.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „za“ pozitivno mišljenje, za priznavanje Javne ustanove „Apotheke Sarajevo“ kao nastavne baze Univerziteta u Sarajevu.

S tim u vezi, Upravni odbor je jednoglasno, sa devet (9) glasova „za“, donio *sljedeće*

M I Š L J E N J E

Odobrava se nastavak procedure za sticanje statusa odnosno priznavanje Javne ustanove „Apotheke Sarajevo“ kao nastavne baze Univerziteta u Sarajevu u skladu sa prijedlogom Vijeća Univerziteta u Sarajevu – Farmaceutskog fakulteta broj: 0101-1155/22 od 04. 03. 2022. godine.

Ad-4.

Upravnom odboru Univerziteta u Sarajevu je u okviru navedene tačke dostavljen na razmatranje nacrtu Ugovora o uređivanju međusobnih odnosa u djelatnostima visokog obrazovanja, naučnoistraživačkog, umjetničko-istraživačkog i izdavačkog rada između Univerziteta u Sarajevu i Zemaljskog muzeja Bosne i Hercegovine.

U okviru predmetne tačke provedena je diskusija u kojoj su učešće uzeli prof. dr. Jasminka Gradašćević-Sijerčić, Mersiha Šabaredžović-Klačar, prof. dr. Aida Hodžić, prof. dr. Kasim Bajrović, prof. dr. Rifat Škrijelj, rektor, prof. dr. Tarik Zaimović, prorektor za finansije i Kenan Filipović, generalni sekretar.

U daljem toku prof. dr. Jasminka Gradašćević-Sijerčić je u cilju poboljšanja Nacrta Ugovora predložila izmjene i dopune pojedinih odredbi. I to u dijelu naslova Ugovora, preambule, predmeta, međusobne povezanosti, zatim radno-pravnog statusa i transformacije radnog odnosa uposlenika Zemaljskog muzeja Bosne i Hercegovine, plaća i naknada, prelaznih i završnih odredbi i dr. povezanih odredbi ovog Ugovora.

Članovi/ice Upravnog odbora su jednoglasno sa devet (9) „za“ prihvatili predložene izmjene i dopune.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „za“ prijedlog Ugovora o uređivanju međusobnih odnosa između Univerziteta u Sarajevu i Zemaljskog muzeja Bosne i Hercegovine.

Upravni odbor je sublimirajući tok diskusije, *jednoglasno*, sa devet (9) glasova „za“, donio *s l j e d e ć u*

O D L U K U

I

Utvrđuje se prijedlog Ugovora o uređivanju međusobnih odnosa u obavljanju nastavnog, naučnoistraživačkog, umjetničko-istraživačkog i izdavačkog rada između Univerziteta u Sarajevu i Zemaljskog muzeja Bosne i Hercegovine.

II

Ugovor iz tačke I ove Odluke upućuje se Vladi Kantona Sarajevo radi davanja saglasnosti.

III

Ova Odluka stupa na snagu danom donošenja.

Ad-5.

Upravnom odboru je dostavljen na razmatranje Zahtjeva rektora Univerziteta u Sarajevu za utvrđivanje obaveze izrade izjave o fiskalnoj procjeni posljedica na budžet organizacionih jedinica prilikom zaključivanja ugovora dekana/direktora sa trećim licima.

Prof. dr. Tarik Zaimović, prorektor za finansije dao je uvodna obrazloženja o podnesenom Zahtjevu i istakao je da je neophodno u okviru finansijskog poslovanja Univerziteta osigurati obavezu dostave Univerzitetske izjave o fiskalnoj procjeni posljedica na budžet organizacione jedinice Univerziteta u Sarajevu.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „za“ sačinjavanje „Univerzitetske izjave o fiskalnoj procjeni posljedica na budžet organizacionih jedinica prilikom zaključivanja ugovora tih jedinica sa trećim licima

U okviru razmatranja predmetne tačke dnevnog reda, a sublimirajući tok diskusije, Upravni odbor je uz devet (9) glasova „za“ donio *sljedeću*

O D L U K U

I

Nalaže se rukovodiocima organizacionih jedinica Univerziteta u Sarajevu sačinjavanje „Univerzitetske izjave o fiskalnoj procjeni posljedica na budžet organizacione jedinice Univerziteta u Sarajevu“, koja prethodi potpisivanju ugovora koji za posljedicu imaju rashode veće od sredstava raspoloživih i planiranih u budžetu organizacione jedinice.

II

Izjava iz tačke I ove Odluke sadrži sljedeće bitne elemente:

- a. obrazloženje,
- b. predviđene rashode za budžetsku godinu i za dvije naredne godine,
- c. prijedloge za pokrivanje povećanih rashoda i izdataka budžeta obrazloženje i
- d. mišljenje Službe za plan i analizu Univerziteta u Sarajevu.

III

Ova Odluka stupa na snagu danom donošenja i primjenjuje se do donošenja Pravilnika o finansijskom poslovanju Univerziteta u Sarajevu.

Ad-6.

U okviru predmetne tačke Upravni odbor je razmotrio zahtjeve dr. Nabila Nasera za provođenje odluka nadležnih tijela Univerziteta u Sarajevu broj: 0101-4534/22 od 21. 04. 2022. godine i broj: 0101-4889/22 od 29. 04. 2022. godine, upućene putem punomoćnika Maide Galijatović i Nerme Bačvić, advokata iz Sarajeva.

Prof. dr. Jasminka Gradašćević-Sijerčić dala je uvodne napomene o predmetu zahtjeva dr. Nabila Nasera i Presudi Kantonalnog suda u Sarajevu i Odluci Senata Univerziteta u Sarajevu o izboru imenovanog u zvanje vanrednog profesora na Univerzitetu u Sarajevu – Medicinskom fakultetu.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „za“ odgovor Univerziteta u Sarajevu vezano za zahtjev dr. Nabila Nasera.

Nakon provedene kraće diskusije, Upravni odbor je razmatrajući podnesene zahtjeve uz devet (9) glasova „za“, donio *sljedeći*

Z A K L J U Č A K

Odluka Senata Univerziteta u Sarajevu broj: 01-14-20/21 od 29. 09. 2021. godine kojom je izvršen izbor dr. Nabila Nasera u zvanje vanrednog profesora na predmetu „Hitna stanja u kardiologiji“ je konačna i izvršna.

Odluka Senata Univerziteta u Sarajevu iz tačke 1. ovog Zaključka predstavlja pravni osnov za zaključivanje ugovora o radu sa dr. Nabilom Naserom na način i pod uvjetima utvrđenim relevantnim propisima za akademsko zvanje vanrednog profesora.

Ad-7.

Upravnom odboru Univerziteta u Sarajevu je od strane podnositeljice prim. dr. sc. Amele Lačević, zaposlene na poslovima i radnim zadacima specijaliste u zvanju doktora stomatoloških nauka na Klinici za dentalnu patologiju i endodonciju na Univerzitetu u Sarajevu – Stomatološkom fakultetu sa klinikama, dostavljen Prigovor na Odluku dekana Univerziteta u Sarajevu - Stomatološkog fakulteta sa klinikama o utvrđivanju odgovornosti i izricanju disciplinske mjere - pismene opomene radniku, broj: 01-3-42-12/2022 od 08. 02. 2022. godine.

Razmatrajući dostavljeni Prigovor Upravni odbor je cijenio:

- a. Da li su u postupku utvrđivanja disciplinske odgovornosti pravilno primijenjena pravila postupka utvrđena zakonskim propisima i općim aktima Univerziteta,
- b. Da li su potpuno i tačno utvrđene činjenice,
- c. Da li su pravilno primijenjeni izvori prava,
- d. Da li je izrečena pravilna disciplinska mjera.

U okviru predmetne tačke provedena je diskusija u kojoj su učešće uzeli prof. dr. Jasminka Gradašević-Sijerčić, Mersiha Šabaredžović-Klačar, prof. dr. Aida Hodžić, prof. dr. Rifat Škrijelj, rektor i Kenan Filipović, generalni sekretar.

Upravni odbor je konstatirao da pisano upozorenje koje se izriče radniku je samo izjava koja *nema neposredan pravni učinak* i kojom ne dolazi do povrede prava iz radnog odnosa. U tom smislu Upravni odbor konstatira da izrečena disciplinska mjera ukazuje da se podnositeljica samo upozorava na redovno obavljanje radnih obaveza, u smislu redovnog dolaska i odlaska s posla.

U odnosu na predloženu odluku od strane Službe za pravne poslove kojom se prigovor imenovane prihvata kao osnovan, Upravni odbor je jednoglasno sa devet (9) glasova „za“ glasao „protiv“.

Prof. dr. Jasminka Gradašević-Sijerčić je naznačila da je članica Upravnog odbora gđa. Ismeta Čardaković glasala „za“ prijedlog odluke kojom se prihvata Prigovor podnositeljice prim. dr. sc. Amele Lačević na Odluku dekana Stomatološkog fakulteta. Uz napomenu da se u stručnom mišljenju generalnog sekretara ovaj prigovor odbija.

U odnosu na naprijed naznačeno sublimirajući tok provedene diskusije, Upravni odbor je na prijedlog prof. dr. Jasminke Gradašević-Sijerčić jednoglasno sa devet (9) glasova „za“ donio *sljedeću*

ODLUKU

Prigovor podnositeljice prim. dr. sc. Amele Lačević izjavljen na Odluku dekana Stomatološkog fakulteta sa klinikama o utvrđivanju odgovornosti i izricanju disciplinske mjere broj: 01-3-42-12/2022 od 08. 02. 2022. godine odbacuje se kao formalno-pravno neispravan, zbog činjenice da radnici nije povrijeđeno pravo iz radnog odnosa.

Ad-8.

Upravnom odboru je od strane podnositeljice Melihe Mahmutović, putem punomoćnika Sanele Gorčić, advokata iz Sarajeva, izjavljena žalba protiv Odluke dekana Univerziteta u Sarajevu -

Stomatološkog fakultet sa klinikama o izricanju disciplinske mjere: otkaz ugovora o radu broj: 01-3-42-15/2022 od 21. 02. 2022. godine.

Odlučujući kao drugostepeni organ Upravni odbor je cijenio:

- a. Da li su u postupku utvrđivanja disciplinske odgovornosti pravilno primijenjena pravila postupka utvrđena zakonskim propisima i općim aktima Univerziteta,
- b. Da li su potpuno i tačno utvrđene činjenice,
- c. Da li su pravilno primijenjeni izvori prava,
- d. Da li je izrečena pravilna disciplinska mjera.

U okviru predmetne tačke provedena je diskusija u kojoj su učešće uzeli prof. dr. Jasminka Gradašćević-Sijerčić, Mersiha Šabaredžović-Klačar, prof. dr. Aida Hodžić, prof. dr. Rifat Škrijelj, rektor i Kenan Filipović, generalni sekretar.

Upravni odbor je konstatirao da je u toku provođenja disciplinskog postupka došlo do povrede pravila postupka, na način da je pri vođenju istog prekoračen rok koji se veže za rok od dva mjeseca računajući od dana pokretanja postupka, a u kojem je predmetni postupak trebao biti okončan i po istom izrečena mjera.

Upravni odbor je također konstatirao da je u konkretnom slučaju sporna je težina izrečene disciplinske mjere. Razmatrao je olakšavajuće okolnosti koje mogu uzeti prilikom određivanja disciplinske mjere, te je konstatovao da od olakšavajućih okolnosti prvostepeni organ nije uzeo u obzir sljedeće okolnosti:

- priznanje podnositeljice i kajanje za učinjenu težu povredu radne discipline;
- da je podnositeljica dugogodišnji radnik na Univerzitetu u Sarajevu – Stomatološkom fakultetu sa klinikama;
- da je podnositeljica duže vrijeme narušenog zdravlja i da predmetne lijekove nije koristila u komercijalne svrhe.

Upravni odbor nije našao otežavajućih okolnosti na strani podnositeljice Žalbe.

S tim u vezi, Upravni odbor je procijenio da cilj koji se želi postići je moguće postići i izricanjem disciplinske mjere pisano upozorenje pred otkaz ugovora o radu, pošto je podnositeljica priznala težu povredu radne discipline i pokazala kajanje. Imajući ovo u vidu, kao i zdravstveno i porodično stanje, disciplinska mjera pisano upozorenje pred otkaz ugovora o radu može polučiti pravu posljedicu na buduće ponašanje.

U odnosu na predloženu odluku od strane Službe za pravne poslove kojom se prigovor imenovane odbija kao neosnovan, Upravni odbor je jednoglasno sa devet (9) glasova „za“ glasao „protiv“.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „protiv“ prijedloga odluke Službe za pravne poslove kojim se odbija Žalba podnositeljice Melihe Mahmutović odbija kao neosnovana.

U odnosu na naprijed naznačeno sublimirajući tok provedene diskusije, Upravni odbor je na prijedlog prof. dr. Jasminke Gradašćević-Sijerčić jednoglasno sa devet (9) glasova „za“ donio *sljedeću*

ODLUKU

Odluka dekana Univerziteta u Sarajevu- Stomatološkog fakultet sa klinikama o izricanju disciplinske mjere: otkaz ugovora o radu broj: 01-3-42-15/2022 od 21. 02. 2022. godine, mijenja se u dijelu izrečene disciplinske mjere i glasi:

„Pismeno upozorenje pred otkaz ugovora o radu.“

Ad-9.

Upravnom odboru je putem Univerziteta u Sarajevu – Stomatološkog fakulteta dostavljen Prigovor podnosioca Adisa Balića na Odluku Univerziteta u Sarajevu - Stomatološkog fakulteta sa klinikama o izboru kandidata za prijem u radni odnos, broj: 01-3-15-222-78/21 od 11. 04. 2022. godine, po okončanoj proceduri za prijem u radni odnos na radno mjesto stručni saradnik za pravne poslove u Službi opštih, pravnih i kadrovskih poslova, 1 (jedan) izvršilac na neodređeno vrijeme Univerziteta u Sarajevu - Stomatološkog fakulteta sa klinikama.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „protiv“ prijedloga odluke kojim se odbija Prigovor podnosioca Adisa Balića na odluku o izboru kandidata u javnom oglasu za prijem u radni odnos.

Razmatrajući dostavljeni Prigovor, Upravni odbor je jednoglasno, uz devet (9) glasova „za“, donio *s l j e d e ć e*

ODLUKU

1. Odbija se Prigovor podnosioca Adisa Balića na Odluku Univerziteta u Sarajevu - Stomatološkog fakulteta sa klinikama o izboru kandidata za prijem u radni odnos, broj: 01-3-15-222-78/21 od 11. 04. 2022. godine, *kao neosnovan.*
2. Odluka Univerziteta u Sarajevu - Stomatološkog fakulteta sa klinikama iz tačke 1. ove Odluke se potvrđuje.

Ad-10.

Prof. dr. Rifat Škrijelj, rektor Univerziteta u Sarajevu uputio je Upravnom odboru Informaciju o nalazima Odsjeka za kontrolu Poreske uprave Federacije BiH na organizacionim jedinicama Univerziteta u Sarajevu.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković dostavila komentar koji glasi: *Nije jasno da li se glasa o dostavljenim zaključcima i preporukama. Ako se glasa ja glasam „protiv“ jer ovi Zaključci i preporuke nisu odgovor na Informaciju rektora Univerziteta o nalazim Poreke uprave FBIH. Ovo su vrlo ozbiljni nalazi koji mogu (i vjerujem da će imati) značajno uticati na poslovanje Univerziteta. Zbog toga se jednom ozbiljnom analizom trebaju sagledati sve opcije mogući ishodi iskazanih poreznih obaveza. Zaključci i preporuke od 15.12.2021 godine su dobar prijedlog za otklanjanje budućih problema a li nikako ne daju odgovor na pitanje šta treba raditi ako u skoroj budućnosti sve, ili dio iskazanih obaveza postane izvršno.*

U okviru predmetne tačke provedena je diskusija u kojoj su učešće uzeli prof. dr. Jasminka Gradašćević-Sijerčić, Mersiha Šabaredžović-Klačar, gđa. Alma Sarić, prof. dr. Aida Hodžić, prof. dr. Kasim Bajrović, prof. dr. Rifat Škrijelj, rektor, prof. dr. Tarik Zaimović, prorektor za finansije, Kenan Filipović, generalni sekretar i Ekrem Čagalj, rukovodilac Jedinice interne revizije.

Sublimirajući tok diskusije, Upravni odbor je jednoglasno sa devet (9) glasova „za“ donio *sljedeće*

ZAKLJUČAK

1. Prima se k znanju Informacija rektora Univerziteta u Sarajevu prof. dr. Rifata Škrijelja o nalazima Odsjeka za kontrolu Poreske uprave Federacije BiH na organizacionim jedinicama Univerziteta u Sarajevu broj: 0101-5046/22 od 30. 04. 2022. godine.
2. Upravni odbor Univerziteta u Sarajevu ponovno naznačava da su ranije doneseni Zaključci Upravnog odbora Univerziteta u Sarajevu broj: 02-41-20/21 od 15. 12. 2021. godine osnova za harmoniziran pristup obračuna svih poreskih obaveza na Univerzitetu u Sarajevu i organizacionim jedinicama.
3. Iako je jedno od osnovnih obilježja poreza da služi za podmirivanje javnih rashoda, oni istovremeno mogu služiti i za ispunjenje drugih tzv. nefiskalnih ciljeva, što u kontekstu visokog obrazovanja mora biti uvezano sa pravom na odlučivanje o prihvatanju projekata i međunarodne saradnje odnosno obavezi da se poreskim propisima jasno naznače potpore obrazovanju i naučnoistraživačkim i razvojnim programima.
4. Obzirom na otvorena i neriješena pitanja u oblasti poreskih obaveza neophodna je jedinstvena primjena poreskih propisa na čitavom području Federacije BiH da bi se preduprijedila različita postupanja u primjeni važećih propisa, a posebno u davanju mišljenja od strane nadležnih organa.
5. Neophodno je inicirati izmjene poreskih propisa s ciljem ukazivanja na specifičnost djelatnosti visokog obrazovanja. Konkretnije, materija zastare poreznih i drugih javnih obaveza u federalnom Zakonu o poreznoj upravi nije regulirana dovoljno i na zadovoljavajući način, obzirom na:
 - a. izostanak instituta apsolutne zastare,
 - b. nepotpuno i nejasno reguliranje vremenskog početka rokova za naplatu poreznih obaveza,
 - c. izostanak odredaba o prekidu zastare za povrat poreza,
 - d. nepotpuno reguliranje vrste i karaktera službenih radnji nadležnog poreznog organa kojima se prekida zastara razreza i naplate poreza.
6. U cilju rješavanja pitanja statusa Univerziteta u Sarajevu i poreskih obaveza Univerziteta u Sarajevu i organizacionih jedinica postoji potreba da se obrazuje/imenuje *ad hoc* komisija iz reda stručnjaka za poresko pravo, koja bi ponudila najadekvatnije rješenje u pogledu poreskog statusa Univerziteta u Sarajevu.

Ad-11.

a) Upravnom odboru je dostavljen na razmatranje Izvještaj Centra za interdisciplinarnu studiju „prof. dr. Zdravko Grebo“ Univerziteta u Sarajevu o realizaciji Evropskog regionalnog magistarskog program iz ljudskih prava i demokratije u jugoistočnoj Evropi sa planom trošenja sredstava.

Prof. dr. Jasminka Gradašćević-Sijerčić je naznačila da je članica Upravnog odbora gđa. Ismeta Čardaković glasala „za“ prihvatanje informacije o pregledu aktivnosti na programu ERMA. Upravni odbor je jednoglasno sa devet (9) glasova „za“ donio *sljedeći*

ZAKLJUČAK

1. Upravni odbor Univerziteta u Sarajevu prihvata Informaciju prof. dr. Nihada Fejzića, direktora Centra za interdisciplinarnu studiju „prof. dr. Zdravko Grebo“ Univerziteta u Sarajevu o pregledu aktivnosti na programu ERMA - *Evropski regionalni magistarski program iz ljudskih prava i demokratije u jugoistočnoj Evropi* od 11. aprila 2022. godine, sa Planom trošenja sredstava za period decembar 2021. – mart 2022. godine (planirano/ostvareno).
2. Informacija i tromjesečni plan trošenja sredstava iz tačke 1. ovog zaključka čini sastavni dio ovog Zaključka.

b) Upravni odbor je razmotrio prijedlog za donošenje dopune Odluke Upravnog odbora broj: 02-9-8/22 od 14. 04. 2022. godine, kojom se daje se *saglasnost* rektoru Univerziteta u Sarajevu za pružanje finansijske podrške Univerziteta u Sarajevu u cilju realiziranja projekta u okviru Razvojnog programa Ujedinjenih nacija (UNDP) u BiH pod nazivom *Inicijativa za razvoj infrastrukture u Bosni i Hercegovini*, u svrhu implementacije projekta *Rekonstrukcije i uređenja zelenih i sportskih površina u okviru Kampusa Univerziteta u Sarajevu* u iznosu od 208.000,00 KM (slovima: dvijestotineosam konvertibilnihmaraka) po rasporedu uplate nakon potpisivanja Amandmana broj 1.

S tim u vezi, Upravni odbor je uz devet (9) glasova „za“ donio *sljedeću*

ODLUKU

o dopuni Odluke Upravnog odbora Univerziteta u Sarajevu

I

U Odluci Upravnog odbora Univerziteta u Sarajevu broj: 02-9-8/22 od 14. 04. 2022. godine (dalje: Odluka), vrši se dopuna na način da se nakon dosadašnje tačke II dodaje nova tačka III koja glasi:

„III

Učešće Univerziteta u Sarajevu u realizaciji projekta iz tačke I ove Odluke u iznosu od 50.000,00 KM (slovima: pedesethiljada konvertibilnihmaraka) realizira se iz sredstava izvora 10.“

III

Dosadašnja tačka III Odluke postaje tačka IV, a ostale odredbe se ne mijenjaju i ostaju na snazi.

IV

Ova Odluka stupa na snagu danom donošenja.

Ad-12.

Upravni odbor je jednoglasno, uz devet (9) glasova „za“, donio *sljedeći*

ZAKLJUČAK

1. Prima se k znanju izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Filozofskom fakultetu za studijsku 2021/2022. godinu, utvrđena Odlukom Vijeća Univerziteta u Sarajevu – Filozofskog fakulteta, broj: 02-01/115 od 10. 03. 2022. godine.

2. Izmjena i dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

Ad-12.1.

Upravnom odboru u okviru tačke Informacije dostavljene izmjene i dopune dinamičkih planova organizacionih jedinica za studijsku 2022/2023. godinu.

S tim u vezi, Upravni odbor je jednoglasno, uz devet (9) glasova „za“, donio *sljedeći*

ZAKLJUČAK

1. Prima se k znanju izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Filozofskom fakultetu za studijsku 2021/2022. godinu, utvrđena Odlukom Vijeća Univerziteta u Sarajevu – Filozofskog fakulteta, broj: 02-01/115 od 10. 03. 2022. godine.
2. Izmjena i dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

Upravni odbor je jednoglasno, uz devet (9) glasova „za“, donio *sljedeći*

ZAKLJUČAK

1. Prima se k znanju izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Filozofskom fakultetu za studijsku 2021/2022. godinu, utvrđena Odlukom Vijeća Univerziteta u Sarajevu – Filozofskog fakulteta, broj: 02-01/162 od 12. 04. 2022. godine.
2. Zaključkom Upravnog odbora Univerziteta u Sarajevu broj: 02-2-23/22. od 07. 02. 2022. godine stavljen je van snage obrazac Tabela broj 5. Dinamičkog plana koji se odnosi na konkurse za nenastavno osoblje, budući da je prijem u radni odnos nenastavnog osoblja odnosno planiranje potreba organizacione jedinice za ovu kategoriju osoblja reguliran propisima o radu i na iste se ne odnosi primjena *lex specialis* Zakona o visokom obrazovanju.
3. Izmjena i dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

Upravni odbor je jednoglasno, uz devet (9) glasova „za“, donio *sljedeći*

ZAKLJUČAK

1. Prima se k znanju dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Institutu za genetičko inženjerstvo i biotehnologiju za studijsku 2021/2022. godinu, utvrđena prijedlogom Odluke Vijeća Univerziteta u Sarajevu – Instituta za genetičko inženjerstvo i biotehnologiju, broj: 215-2-2/22 od 21. 04. 2022. godine.

2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

Upravni odbor je jednoglasno, uz devet (9) glasova „za“, donio *s l j e d e ć i*

Z A K L J U Č A K

1. Prima se k znanju dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Muzičkoj akademiji za studijsku 2021/2022. godinu, utvrđena Odlukom Vijeća Univerziteta u Sarajevu – Muzičke akademije, broj: 02-1-280/3-22 od 11. 04. 2022. godine i Odlukom Vijeća Univerziteta u Sarajevu – Muzičke akademije, broj: 02-1-346/2-22 od 05. 05. 2022. godine
2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

Upravni odbor je jednoglasno, uz devet (9) glasova „za“, donio *s l j e d e ć i*

Z A K L J U Č A K

1. Prima se k znanju izmjena i dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Pedagoškom fakultetu za studijsku 2021/2022. godinu, utvrđena Odlukom Vijeća Univerziteta u Sarajevu – Pedagoškog fakulteta, broj: 23-01-605/22 od 08. 04. 2022. godine.
2. Zaključkom Upravnog odbora Univerziteta u Sarajevu broj: 02-2-23/22. od 07. 02. 2022. godine stavljen je van snage obrazac Tabela broj 5. Dinamičkog plana koji se odnosi na konkurse za nenastavno osoblje, budući da je prijem u radni odnos nenastavnog osoblja odnosno planiranje potreba organizacione jedinice za ovu kategoriju osoblja reguliran propisima o radu i na iste se ne odnosi primjena *lex specialis* Zakona o visokom obrazovanju.
3. Izmjene i dopune Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

Upravni odbor je jednoglasno, uz devet (9) glasova „za“, donio *s l j e d e ć i*

Z A K L J U Č A K

1. Prima se k znanju dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Prirodno - matematičkom fakultetu za studijsku 2021/2022. godinu, utvrđena Odlukom Vijeća Univerziteta u Sarajevu – Prirodno – matematičkog fakulteta, broj: 01/06-547/1-2022 od 10. 03. 2022. godine.
2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.

Upravni odbor je jednoglasno, uz devet (9) glasova „za“, donio *s l j e d e ć i*

ZAKLJUČAK

1. Prima se k znanju dopuna Dinamičkog plana potreba za raspisivanje konkursa za izbor u zvanja na Univerzitetu u Sarajevu – Šumarskom fakultetu za studijsku 2021/2022. godinu, utvrđena Odlukom Vijeća Univerziteta u Sarajevu – Šumarskog fakulteta, broj: 01/6-893/22 od 11. 04. 2022. godine.
2. Dopuna Dinamičkog plana potreba za raspisivanje konkursa za izbor u zvanja iz tačke 1. ovog zaključka čini sastavni dio ovog zaključka.
 - b) Upravni odbor je upoznat o dostavljenom Ugovoru o radu sa dekanom Univerziteta u Sarajevu - Fakulteta sporta i tjelesnog odgoja prof. dr. Harisom Alićem. U ime Upravnog odbora ovaj Ugovor potpisuje predsjednik.
 - c) Upravnom odboru je dostavljena Informacija rektora Univerziteta u Sarajevu prof. dr. Rifata Škrijelja o univerzitetskom Projektu zaštite i promocije prava na informaciju u/o akademskoj zajednici pod nazivom *Univerzitetski novinski servis*.

S tim u vezi, Upravni odbor je jednoglasno, uz devet (9) glasova „za“, donio *s l j e d e ć i*

ZAKLJUČAK

1. Prima se k znanju Informacija rektora Univerziteta u Sarajevu prof. dr. Rifata Škrijelja o univerzitetskom Projektu zaštite i promocije prava na informaciju u/o akademskoj zajednici pod nazivom *Univerzitetski novinski servis*, koji će se realizirati putem podorganizacione jedinice Univerziteta u Sarajevu – Centra za ljudska prava, u periodu od maja 2022. od decembra 2023. godine.
2. Planirani finansijski okvir Projekta iz tačke 1. ovog Zaključka na godišnjem nivou iznosi 45.000,00 (slovima: četrdesetpethiljada konvertibilnihmaraka) i isti će se realizirati iz vlastitih sredstava Univerziteta u Sarajevu.

Audiozapis sa 4. redovne sjednice Upravnog odbora Univerziteta u Sarajevu pohranjen je u arhivi Univerziteta u Sarajevu i čini sastavni dio Zapisnika.

Sjednica je završena u 17:30 sati



Zapisničar:

Berina Smajlović